


Matadalan ba partéira no doutór kona ba sistema rejistu moris iha Timor-Leste

Rejistu moris nudar rekorda ofisial atu labarik hotu bele hola parte iha sistema reinsersaun no hetan rekonesimentu husi lei iha nasaun RDTL. Wainhira labarik la registradu mak labarik sira la bele goza sira-nia direitu fundamentál no atribuisaun sira iha parte saúde, edukasaun no servisu públiku sira. Sistema rejistu iha benefisiu boot ba labarik hodi:




1. Garante labarik nia nasonalidade.
2. Fasilita labarik sira hodi tama eskola ho otas lolos.
3. Fasilita labarik no família atu asesu ba benefísiu seguransa sosiál hanesan Bolsa da Mãe.
4. Protéjé labarik sira husi hahalok aat hanesan: adopsaun ilegál, labarik servisu ho otas kí'ik, detensaun no prizaun ilegál sira, la halo a'at ba labarik no aktus ilegais sira seluk.
5. Labarik bele aplika ba dokumentu ofisiais sira seluk hanesan: pasaporte, billete identidade no loke konta bankária.
6. Fornese dados estatística ba governu hodi fasilita planeamentu ba servisu sosiál hanesan hari'i eskola no postu saúde, servisu atendimentu sosiáis, dados ba eleisaun no sistema operaun ba identidade pesoál ho seguru.
7. Rejistu moris mos nu'udar dados importánte hodi prepara estimasaun ba populasaun noprojesaun, indikasaun saúde hanesan númeru mortalidade infânsia no valida figura sensu.

Prosesu rejistu sei tuir faze báziku iha rejistu moris sira hanesan

Wainhira labarik ida moris iha teritóriu nasonál, Tenki deklara dentru 60 dias imediatu.

FAZE BÁZIKU SIRA BA REJISTU MORIS (IHA TIMOR-LESTE)



✚ Rejistu moris ba labarik ne'ebé moris iha estabesimentu saúde/fasilidade saude.

Ba labarik hotu ne'ebé moris iha estabesimentu saude iha partéira no doutór sira sei fasilita inan-aman sira hodi prinxe notifikasaun moris. Baibain notifikasaun iha kopia rua ne'ebé tenki prienxe no hetan asinatura husi partéira ou doutór, kopia notifikasaun moris ida sei hela ba inan no aman, kopia seluk sei le'es husi partéira ou doutór hodi submete ba prosesu rejistu moris. Informasaun ne'ebé tenki rekora mak hanesan:

1. Númeru rejistu kresimentu labarik nian.
2. Deklarasaun asinatura kompletu ho oras, data, fulan, tinan, naran kompletu, **fatin labarik moris (NB: la'ós husi ne'ebé inan-aman sira mai)**, todan husi labarik, a'as bainhira moris, suku orijin, postu administrativu no munisípiu.
3. Informasaun aman no inan nian hanesan: lora moris, fulan no tinan, fatin moris, estadu sivil (kaben, klosan, husik malu, faluk) okupasaun, mai husi suku, postu administrativu, munisípiu, husi nasaun, hela fatin agora.
4. Informasaun husi paternós / avó husi aman nian: naran avó mane nian, avó feto, avó nain rua nia naturalidade. Informasaun husi avó maternos/avó husi inan nian hanesan: avó mane nia naran, avó feto nia naran no avó sira-nia hela fatin agora.
5. Partéira ka doutor/doutora nia naran kompletu no nia asinatúra, fatin, lora fo partu.
6. Deklarante (inan-aman ka parentes) nia naran no asinatúra, fatin no data halo deklarasaun.

**REKEZITUS SIRA BA OAN SIRA-NIA INAN NO AMAN
NE'EBÉ LA KAZAMENTU**

- Formatu notifikasaun moris (iha livriñu LISIO) ne'ebé hetan asinatura husi partéira ka doutór ka deklarasaun moris ne'ebé asina husi xefe aldeia no rekoñese husi xefe suku.
- Billete identidade inan no aman nian
- Sertidaun moris inan no aman nian

✚ **Rejistu ba labarik sira ho single mother/inan ne'ebé mesak kuidadu ba nia oan:**

Iha kazu single mother/inan ne'ebe mesak kuidadu ba nia oan, informasaun detallu aman nian laos mandatóriu. Rejistu fasilita ba labarik hotu hanesan, katak labarik hotu ne'ebé moris iha kondisaun saida deit iha direitu atu hetan rejistu no sertidaun ba nia-an rasik no presiza submete ho rekeзитus sira hanesan:

**REKEZITUS ATU REJISTU BA LABARIK NE'EBÉ MORIS HUSI INAN
SINGLE MOTHER KA INAN NE'EBÉ MESAK KUIDADU BA NIA OAN.**

- Formatu notifikasaun moris (iha livriñu LISIO) ne'ebé hetan asinatura husi partéira ka doutór ka Deklarasaun Moris ne'ebé hetan asinatura husi xefe suku no aldeia.
- Inan nia sertidaun moris
- Billete identidade inan nia.

✚ **Rejistu ba moris ba labarik sira nia inan ka aman ida husi estranjéiru:**

Wainhira mak moris ida akontese iha teritóriu Timor, husi parentes ida husi estranjéiru, oan ne'e automatikamente hetan nia nacionalidade nudar Timor oan, labarik bele deside nia nacionalidade tuir nia parentes ida wainhira nia iha idade 17 ona. Iha prosesu rejistu ofisiais rejistu sivil sei fasilita parentes sira ne'e hodi prinxe "rekerimento para certidão do nascimento" no submete dokumentu ne'e hamutuk hamutuk rekeзитus sira seluk ba ofisiu rejistu sivil, rekeзитus sira ne'e mak hanesan:

**REKEZITUS DOKUMENTUBA TRATA SERTIDAUN MORIS BA OAN
NE'EBÉ NIA INAN KA AMAN IDA EMA HUSI ESTRANJÉIRU**

- Requerimento Para Certidão do Nascimento
- Formatu notifikasaun moris (iha livriñu LISIO) ne'ebé hetan asinatura husi partéira ka doutór ka deklarasaun moris ne'ebé hetan asinatura husi xefe suku no xefe aldeia.
- Billete identidade inan ka aman nian (ida ne'ebé Timor oan)
- Pasaporte inan ka aman (ida ne'ebé husi estrajeiru)
- Sertidaun moris inan no aman nian
- Sertidaun kazamentu husi inan no aman

Atu hatene nformasaun kompletu kona ba prosesu rejistu sira bele asesu iha SOP (Sistema Prosedimentu Operativu)

Matadalan ida ne'e hetan aprovasaun husi

Ministériu Justisa nia diresaun geral rejistu no notariad